

OMENALDIA. 200 pertsona inguru bildu dira Gipuzkoako Diputazioan

JON URBE / ARGAZKI PRESS

ETAren biktimei atxikimendua erakutsi die Sudupek

Gipuzkoako Diputazioak omenaldia egin zien atzo arratsaldean ETAren biktimei. Roman Sudupe ahaldun nagusiak esan zuenez, ETAren biktimeak «askotan bazterrean» utzi ditu gizarteak; horregatik, haien «sufimenduaren aitorten soziala» eskatu zuen. Urte askoan «isiltasuna» jaso dutela dio, baina «herriaren oroimenean» jarraitzen dutela. 200 lagun inguru bildu ziren ekitaldian. Han

ziren, besteak beste, Josu Jon Imaz Eusko Jaurlaritzako bozeramailea, Jose Antonio Ardanza EA-Eko lehendakari ohia, Begoña Lasagabaster Espainiako Kongresuko Eako diputatua, biktimen arretarako Jaurlaritzako batzordeko presidente Maixabel Lasa, Odon Elorza Donostiako alkatea eta ETAren atentatua jasan zuen Gorka Landaburu kazetaria ere (argazkian, Suduperen ondoan).

ATXILOKETAK. Herriko festetako txupinazoan izandako istiluekin lotu dituzte**Espainiako Poliziak hiru lagun atxilotu ditu Atarrabian**

Erredakzioa | IRUÑEA

Espainiako Poliziak hiru gazte atxilotu zituen atzo goizean Atarrabian (Nafarroa). Atxilotuak Iñaki Alvarez, Josu Villanueva eta Jokin Chapar dira.

Atxilotu ondotik Iruñeko komisaldegira eraman zituzten.

Atarrabiako festetan, iragan urriaren 5ean, UPNko zinegotzi Elena Murillok jaurtitako txupinazoan izandako istiluekin lotu ditu Poliziak. Arraultzak eta ur

puxikak jaurti zituen jendeak udaletxeko balkoira. Udalak salaketa jarri zuen, ustez istiluetan parte hartu zuten bost pertsonaren aurka, eta horietatik hiru dira atzo Poliziak atxilotuak.

Komunikatuta daude, eta gaur pasako dira Nafarroako Auzitegiko epailearen aurretik. Abokatuarekin egotekoak ziren arratsaldeko azken orduan.

LAGURAEAN**Gotzon Belokik ETAko kide izatea ukatu zuen joan den astean Auzitegi Nazionalen egindako epaiketan**

Gotzon Belokik ukatu egin zuen ETAko *Bizkaia* komandoko kide izatea, joan den abenduaren 2an Espainiako Auzitegi Nazionalen egindako epaiketan. Abenduaren 4an EGUNKARIAK, informazio oker bat zela medio, kontrakoa adierazi zuen arren, Belokik eta berarekin batera Auzitegi Nazionalen epaitu zituzten beste zortzi lagunek ukatu egin zituzten euren kontrako salaketa guztiak. Guillermo Merinok, aldiz, onartu zuen ETAko kide izatea, eta komandoa Patxi Rementeriarekin batera osatu zuela adierazi zuen; baina errugabetzat jo zituen berarekin batera epaitu zituzten gainerako guztiak. Patxi Rementeria iazko abuztuan hil zen Boluetan, beste hiru kideekin batera, autoan zeramaten leherkariak eztanda egitean.

Durango gazte bat Auzitegi Nazionalen aurkeztu da epailearen aurrean deklaratzeko

Antxon Berrizbeitia durangarra Espainiako Auzitegi Nazionalen aurkeztu zen atzo, deklaratzeko asmoz. Gaztea bere abokatuarekin batera aurkeztu zen, Ertzaintzak joan den hilean egin operazioan bere bila ibili omen zirelako. Gazteak justiziaren aurrean deklaratzeko prest zegoela esan zuen, baina epaileak «denborarik ez» zuela erantzun zion. Martxoan Espainiako Poliziak gaztea atxilotu zuen; handik gutxira aske utzi zuten, kargurik gabe.

Manifestazioa egingo dute gaur Bergaran, agertutako zenbait pintaketa salatzen

Manifestazioa egingo dute gaur Bergaran, arratsaldeko 19:30ean, «eraso faxisten kontra». Astelehen gauean Gaztetxean eta Arrano tabernan pintaketak egin zituztela salatuko dute. *España no perdona* idatzi bide zuten Gaztetxearen kanpoaldean, eta bandera espainola pintatu; Arranon, berriaz, *Bienvenidos a España* jarri zuten. Gainera, bi taberna horietako zerrailak apurtu zituzten, eta baita LABen egoitzakoa ere.

Zazpi urteko espetxe zigorra jarri dio Pariseko Zigor Auzitegiak Zamakolari, eta laukoa Etxeberriari

Pariseko Zigor Auzitegiak zazpi urteko kartzela zigorra eta Frantziako lurraldean bizitzeko bizi osorako debekua jarri dio Zorion Zamakolara euskal presoari. Zamakolarekin batera epaitu zuten, joan den hilean, Lander Etxeberria ere, eta hari lau urteko espetxe zigorra eta hamar urtez Frantziako lurraldean bizitzeko debekua jarri zion Pariseko Zigor Auzitegiak. Fiskalak zortzi urteko zigorra eskatu zuen Zamakolarentzat, epaileta egin zenean. Gaiztagin taldeko kide izatea, dokumentu faltsuak izatea eta lapurreta leporatu zieten, besteak beste, atzo zigortutako bi presoek. Iazko martxoaren 10ean atxilotu zituzten Landesetan.

 AYUNTAMIENTO DE LA ANTEIGLESIA DE LEIOA ELIZATEKO UDALA	
TRAFIKOAREN ETENALDIA LEIOAN NEKAZARITZA ETA ABELTZAINITZA AZOKA 2002.eko ABENDUAK 15, IGANDEA "Leioako Nekazaritza eta Abeltzaintza Azoka" dela eta, abenduaren 15an, 9:00etatik 15:00ak arte, trafikoa etenik egongo da Avanzadako errepidearen larte hauetan: Sabino Arana eta Luis Bilbao Libano doktorea kaleen artean, Getxo-Bilbo norabidean, eta Gizarte Etxerako bidearen eta Udaletxeko bidearen artean, Bilbo-Getxo norabidean. Getxotik Bilbora datozen ibilgailuek errepidetik irteten eta Sabino Arana kaleetik joan beharko dute, gero Sabino Arana zeharkatzen duten kaleetatik Luis Bilbao Libano doktorea kalera irteteko, eta handik berriro ere Avanzadako errepidera. Eusko Trenbideak enpresaren udondo-Bulebar autobusak, Sabino Arana kalean barik, Luis Bilbao Libano doktorea kalean geratuko dira. Dena dela, ibilgailuentzat itxita egongo den aldea behar bezala markatzeko seinaleak jarriko dira. Inguruetan kotxez ibiliko direnei kontu handiz ibiltzeko eskatzen diegu, seguru asko azokara jende asko etorriko da eta. Leioan, 2002ko abenduaren 13an ALKATEA. Sin: Karmelo Sainz de la Maza Arrola	CORTE DE TRAFICO EN LEIOA FERIA AGRICOLA Y GANADERA DOMINGO 15 DE DICIEMBRE DE 2002 Debido a la celebración de la "Feria Agrícola y Ganadera de Leioa", entre las 9 h. y las 15 h, del día 15 de diciembre, quedarán cortadas al tráfico rodado las vías de servicio de la carretera de la Avanzada, en los tramos comprendidos entre las calles Sabino Arana y Doctor Luis Bilbao Libano, en el sentido Getxo Bilbao, y entre la carretera de acceso al Centro Cívico y la de acceso al Ayuntamiento, en el sentido Bilbao-Getxo. Los vehículos procedentes de Getxo que se dirijan a Bilbao deberán desviarse por la calle Sabino Arana, tomando cualquiera de las transversales que dan acceso a la calle Doctor Luis Bilbao Libano, para retomar la carretera de la Avanzada. Las paradas del autobús de Eusko Trenbideak sitas en la calle Sabino Arana, en el sentido Udondo-Bulevar, se trasladan a la calle Doctor Luis Bilbao Libano. En cualquier caso, la zona cortada al tráfico estará debidamente señalizada y se ruega a los conductores que transiten por las inmediaciones extremen su precaución ante la previsible afluencia de visitantes. Leioa, 13 de diciembre de 2002 EL ALCALDE. Fdo. Karmelo Sainz de la Maza Arrola

HEMEN GARA/SOMOS

euskal guztion eskubidea ikasi eta hitz egitea

lingua navarrorum: un derecho de todos

MANIFESTAZIOA

Abenduak 14, Larunbatarekin, 17:30etan Golemetatik abiatuta
Sábado 14 de Diciembre, 17:30, desde los Golem

OINARRIAK